



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13, 89/16, 5/22 i 31/24) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08 i 5/22), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2022. GODINU HRVATSKOG NACIONALNOG POMAKA

Broj: 03-07-6-621/23  
Sarajevo, 14.02.2025. godine

## S A D R Ź A J

|                                                           |   |
|-----------------------------------------------------------|---|
| MIŠLJENJE REVIZORA.....                                   | 3 |
| 1. UVOD .....                                             | 4 |
| 2. PREDSTAVLJANJE POLITIČKE STRANKE .....                 | 4 |
| 3. OPIS PREGLEDA I KONTROLE FINANSIJSKOG IZVJEŠTAJA ..... | 5 |
| Predmet pregleda i kontrole.....                          | 5 |
| Cilj pregleda i kontrole .....                            | 5 |
| Obim pregleda i kontrole.....                             | 5 |
| 4. PRETHODNE KONTROLE I REVIZIJE.....                     | 5 |
| 5. NALAZI I PREPORUKE .....                               | 5 |
| 5.1 NALAZI.....                                           | 5 |
| 5.2 PREPORUKE .....                                       | 9 |

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatskog nacionalnog pomaka za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2022. godinu, utvrđeno je da je Hrvatski nacionalni pomak prekršio odredbe člana 4. stav (1), člana 8. stav (1), člana 11. stav (1) i člana 12. Zakona o finansiranju političkih stranaka i odredbe člana 15.1 Izbornog zakona Bosne i Hercegovine.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatskog nacionalnog pomaka za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2022. godinu, Hrvatski nacionalni pomak se finansirao iz sljedećih izvora:

| R/B       | Izvori finansiranja                                                 | Iznos<br>(KM)    | Struktura<br>(%) |
|-----------|---------------------------------------------------------------------|------------------|------------------|
| 1.        | Članarina                                                           | 0,00             | 0,00             |
| 2.        | Prilozi fizičkih lica (3-a)                                         | 0,00             | 0,00             |
| 3.        | Prilozi pravnih lica (3-b)                                          | 0,00             | 0,00             |
| 4.        | Prihodi od imovine (3-c)                                            | 0,00             | 0,00             |
| 5.        | Prihodi od dobiti preduzeća u<br>vlasništvu političke stranke (3-d) | 0,00             | 0,00             |
| 6.        | Prihodi od poklona (3-e)                                            | 0,00             | 0,00             |
| 7.        | Prihodi iz budžeta (3-f)                                            | 61.912,00        | 95,97            |
| 8.        | Prihodi od propagande (3-g)                                         | 0,00             | 0,00             |
| <b>I</b>  | <b>Ukupni prihodi (1-8)</b>                                         | <b>61.912,00</b> | <b>95,97</b>     |
| <b>II</b> | <b>Ostali prihodi i drugo</b>                                       | <b>2.602,00</b>  | <b>4,03</b>      |
|           | <b>Izvori finansiranja (I+II)</b>                                   | <b>64.514,00</b> | <b>100,00</b>    |

U godišnjem finansijskom izvještaju za 2022. godinu Hrvatski nacionalni pomak je iskazao rashode u ukupnom iznosu od 88.727,63 KM.

## 2. PREDSTAVLJANJE POLITIČKE STRANKE

Naziv političke stranke je Hrvatski nacionalni pomak. Skraćeni naziv je HNP.

Politička stranka je upisana u registar kod Općinskog suda u Livnu, Rješenjem broj: 068-0-F1-20-000 002 od 10.06.2020 godine.

Sjedište stranke je u Tomislavgradu, Trg dr. Franje Tuđmana bb<sup>1</sup>.

Lice ovlašteno za predstavljanje i zastupanje stranke je Ivan Vukadin, predsjednik.

Lice ovlašteno za podnošenje finansijskih izvještaja za 2022. godinu je Ante Tadić.

Prema podacima iz godišnjeg finansijskog izvještaja za 2022. godinu, Hrvatski nacionalni pomak ima sljedeću organizacionu strukturu:

-Središnjica.

<sup>1</sup> Prema podacima iz Ugovora o zakupu poslovnog prostora, prostorije političke stranke u Tomislavgradu su na adresi: Kralja Zvonimira bb.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Hrvatskog nacionalnog pomaka za 2022. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je troškove izborne kampanje ostvarila u okviru zakonom utvrđenog limita.

**Obim pregleda i kontrole** finansijskog izvještaja Hrvatskog nacionalnog pomaka obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### 4. PRETHODNE KONTROLE I REVIZIJE

Služba za reviziju obavila je reviziju i pregled finansijskih izvještaja Hrvatskog nacionalnog pomaka za 2020. i 2021. godinu, nakon čega je izdat izvještaj o reviziji, odnosno izvještaj o pregledu sa nalazima revizije, mišljenjem revizora i preporukama stranci.

Nakon izvršene revizije godišnjeg finansijskog izvještaja za 2021. godinu, Služba za reviziju je izdala Izvještaj o reviziji sa mišljenjem revizora, nalazima revizije i preporukama stranci: da program utroška sredstava sačinjava na način kojim bi se obezbijedila potpuna transparentnost planiranog trošenja sredstava, kao i njegova uporedba sa ostvarenim troškovima, te da finansijska sredstva obezbijedena za finansiranje stranke koristi u skladu sa programom utroška sredstava, da se ne finansira iz zabranjenih izvora, da vodi poslovne knjige i vrši popis imovine i obaveza u skladu sa računovodstvenim propisima i svojim internim aktima, da uspostavi pravilne, potpune i pravovremene evidencije o poslovanju gotovim novcem, potraživanjima, prihodima, rashodima i obavezama, kao pretpostavku za pravilno finansijsko izvještavanje, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka, da izvrši usaglašavanje obaveza sa dobavljačima, te provede odgovarajuća knjiženja u svojim poslovnim knjigama i da uspostavi interne kontrole u skladu sa svojim internim aktima.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2022. godinu, utvrđeno je da politička stranka nije ispoštovala sve preporuke revizije.

### 5. NALAZI I PREPORUKE

#### 5.1 NALAZI

##### **a) Hrvatski nacionalni pomak prekršio je odredbe člana 4. stav (1) Zakona o finansiranju političkih stranaka<sup>2</sup>**

U godišnjem finansijskom izvještaju za 2022. godinu Hrvatski nacionalni pomak iskazao je rashode u ukupnom iznosu od 88.727,63 KM.

U Programu utroška sredstava za 2022. godinu Hrvatski nacionalni pomak planirao je rashode u ukupnom iznosu od 74.600,00 KM, i to: troškove najma u iznosu od 19.200,00 KM, troškove plaće i doprinosa u iznosu od 20.400,00 KM, materijalne troškove u iznosu od 4.500,00 KM, troškove

---

<sup>2</sup> U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

promidžbe u iznosu od 15.500,00 KM i nabavku uredskog materijala i namještaja u iznosu od 15.000,00 KM.

Uvidom u Program utroška sredstava za 2022. godinu, Služba za reviziju je utvrdila da je politička stranka finansijska sredstva utrošila mimo utvrđenog Programa utroška sredstava za 2022. godinu, i to:

- Planirani troškovi zakupnine poslovnih prostora, troškovi ostalog materijala i troškovi promidžbe prekoračeni su u ukupnom iznosu od 13.626,62 KM. Hrvatski nacionalni pomak ostvario je troškove zakupnine poslovnih prostora u iznosu od 24.000,00 KM dok je iste planirao u iznosu od 19.200,00 KM, troškove ostalog materijala ostvario je u iznosu 4.671,95 KM, dok je iste planirao u iznosu od 4.500,00 KM i troškove promidžbe koje je ostvario u iznosu od 24.154,67 KM, iste je planirao u iznosu od 15.500,00 KM.
- Politička stranka je u 2022. godini ostvarila troškove koje nije predvidjela u svom Programu utroška sredstava u ukupnom iznosu od 31.418,88 KM, i to: troškove ostalih zakupnina u iznosu od 677,40 KM, troškove amortizacije u iznosu od 122,50 KM, troškove reprezentacije u iznosu od 27.002,11 KM, troškove platnog prometa u iznosu od 322,40 KM, troškove telefona (fiksni telefon) u iznosu od 197,29 KM, troškove prevoza u iznosu od 197,29 KM i troškove ugostiteljskih usluga u iznosu od 2.899,89 KM.

Na osnovu naprijed navedenog, utvrđeno je da Hrvatski nacionalni pomak nije sačinio Program utroška sredstava za 2022. godinu na način da obezbjeđuje transparentnost utrošenih sredstava, nije planirao sve troškove, te je finansijska sredstva u iznosu od 45.045,50 KM utrošio mimo utvrđenog programa utroška sredstava za 2022. godinu, čime je prekršio odredbe člana 4. stav (1) Zakona o finansiranju političkih stranaka.

**b) Hrvatski nacionalni pomak prekršio je odredbe člana 8. stav (1) Zakona o finansiranju političkih stranaka.**

Stranka je u godišnjem finansijskom izvještaju iskazala prihode iz budžeta Kantona 10 u ukupnom iznosu od 40.000,00 KM.

Uvidom u Odluku Kantona 10 o odobravanju sredstava iz Proračuna za 2022. godinu, utvrđeno je da su političkoj stranci Hrvatski nacionalni pomak u toku 2022. godine isplaćena sredstva u ukupnom iznosu od 40.000,00 KM. U Odluci je navedeno da se sredstva izdvajaju na osnovu osvojenih 5 mandata Hrvatskog nacionalnog pomaka u Skupštini Kantona 10.

Uvidom u potvrđene rezultate Općih izbora 2018. godine utvrđeno je da Hrvatski nacionalni pomak nije učestvovao na Općim izborima 2018. godine, niti je osvojio mandate u Skupštini Kantona 10.

Prema podacima iz Rješenja Općinskog suda u Livnu broj: 068-0-F1-20-000 002, Hrvatski nacionalni pomak upisan je u registar ovog suda dana 10.06.2020. godine.

Imajući u vidu da se prihodom iz budžeta smatra prihod definisan članom 3. stav (1) tačka e) Zakona o finansiranju političkih stranaka, odnosno da se sredstva za rad raspodjeljuju na osnovu osvojenih mandata, a da Hrvatski nacionalni pomak nije učestvovao na Općim izborima 2018. godine pa samim tim nije mogao osvojiti ni mandate u Skupštini Kantona 10 u periodu od 2018. do 2022. godine, te da je Hrvatski nacionalni pomak upisan u registar suda 10.06.2020. godine, mišljenja smo da je Hrvatski nacionalni pomak sredstva iz budžeta Kantona 10 u iznosu od 40.000,00 KM primio suprotno odredbama člana 8. stav (1) tačka a) Zakona o finansiranju političkih stranaka.

**c) Hrvatski nacionalni pomak prekršio je odredbe člana 11. stav (1) i člana 12. stav (1), stav (2), stav (3) i stav (4) Zakona o finansiranju političkih stranaka i odredbe člana 15.1 Izbornog zakona Bosne i Hercegovine.**

Na osnovu pregleda godišnjeg finansijskog izvještaja, utvrđeno je da politička stranka nije vodila poslovne knjige u skladu sa računovodstvenim propisima, nije vodila pravilne evidencije o prihodima, rashodima i obavezama, godišnji finansijski izvještaj nije dostavila u zakonom

propisanom roku, te nije podnijela finansijski izvještaj u skladu sa Pravilnikom o godišnjim finansijskim izvještajima političkih stranaka (u daljnjem tekstu: Pravilnik), čime je prekršila odredbe člana 11. stav (1) i člana 12. stav (1), stav (2), stav (3) i stav (4) Zakona o finansiranju političkih stranaka. Takođe, stranka je pogrešno iskazala troškove izborne kampanje, čime je prekršila odredbe člana 15.1 Izbornog zakona Bosne i Hercegovine.

- (1) Hrvatski nacionalni pomak godišnji finansijski izvještaj za 2022. godinu nije podnio u zakonom propisanom roku, čime je prekršio odredbe člana 12. stav (4) Zakona o finansiranju političkih stranaka.

U skladu sa odredbama člana 12. stav (4) zakona o finansiranju političkih stranaka i odredbama člana 3. Pravilnika, politička stranka je bila obavezna da finansijski izvještaj podnese i u elektronskoj formi i u čvrstoj kopiji do 31.03.2023. godine.

Uvidom u službene evidencije Centralne izborne komisije BiH, utvrđeno je da je Hrvatski nacionalni pomak izvještaj putem elektronske aplikacije „FI CIK BIH” podnio 28.04.2023. godine, a obrasce godišnjeg finansijskog izvještaja, odštampane iz aplikacije u PDF formatu, ovjerene potpisom ovlaštenog lica i pečatom političke stranke dostavio je 04.05.2023. godine.

Uvidom u obrasce godišnjeg finansijskog izvještaja, utvrđeno je da politička stranka nije dostavila obrazac 1 (opšti podaci o političkoj stranci) u čvrstoj kopiji.

- (2) U poslovnim knjigama i obrascu 2 (pregled prometa svih transakcijskih računa političke stranke) godišnjeg finansijskog izvještaja politička stranka je iskazala transakcijski račun broj: 3382302273663176 kod UniCredit banke sa sljedećim stanjem i prometom: početno stanje u iznosu od 72.536,66 KM, ukupan promet ulaza u iznosu od 64.663,71 KM, ukupan promet izlaza u iznosu od 115.323,52 KM i stanje na dan 31.12.2022. godine u iznosu od 21.876,85 KM. Uvidom u izvode sa ovog transakcijskog računa, utvrđeno je da je početno stanje na dan 01.01.2022. godine iznosilo 72.536,66 KM, ukupan promet ulaza 64.663,92 KM, ukupan promet izlaza 115.343,52 KM, te stanje na dan 31.12.2022. godine u iznosu od 21.857,06 KM.

S obzirom da je stranka u obrascu 2 iskazala pogrešne podatke o ukupnom prometu izlaza i ukupnom prometu izlaza, prekršila je odredbe člana 11. Pravilnika.

- (3) Stranka je sredstva primljena iz budžeta Kantona 10 u iznosu od 40.000,00 KM, koja nije ostvarila u skladu sa odredbama člana 3. stav (1) Zakona o finansiranju političkih stranaka, iskazala kao prihode iz budžeta, čime je prekršila odredbe člana 13. i 19. Pravilnika.
- (4) Politička stranka Hrvatski nacionalni pomak nije uspostavila potpune i tačne evidencije o rashodima stranke, te ih nije pravilno evidentirala u poslovnim knjigama i iskazala u godišnjem finansijskom izvještaju.

- Hrvatski nacionalni pomak u obrascu 4.1 (režijsko-administrativni i ostali troškovi) nije iskazao troškove na osnovu uplaćene takse za ovjeru političke stranke za učešće na Općim izborima 2022. čime je prekršio odredbe člana 21. i 22. Pravilnika.

Kontrolom prometa izvoda, utvrđeno je da je stranka uplatila taksu za ovjeru učešća na Općim izborima 2022. godine u iznosu od 25.000,00 KM. Po Odluci Centralne izborne komisije BiH broj: 06-1-07-1-2468/22 od 23.11.2022. godine, stranci je izvršen povrat uplaćenog novčanog iznosa takse za ovjeru učešća na Općim izborima 2022. godine u iznosu od 18.000,00 KM, tako da su troškovi takse iznosili 7.000,00 KM, koje je stranka trebala iskazati kao trošak na obrascu 4.1 godišnjeg finansijskog izvještaja. Uvidom u poslovne knjige utvrđeno je da je navedeni iznos evidentiran kao depozit u iznosu od 7.000,00 KM, umjesto troška takse.<sup>3</sup>

- Kontrolom troškova reprezentacije i ugostiteljskih usluga, koje je stranka iskazala u obrascima 4.1 (režijsko-administrativni i ostali troškovi), te uvidom u dostavljene račune i izvode sa transakcijskog računa, utvrđeno je da je stranka dio troškova izborne kampanje u iznosu od 7.883,26 KM prijavila kao režijsko-administrativne troškove. Pogrešnom klasifikacijom

<sup>3</sup> Isti propust je stranka imala i u prethodnom periodu, što je navedeno u izvještaju revizije za 2021. godinu broj: 03-07-6-505/22 od 27.02.2023. godine.

troškova, te neprijavljivanjem stvarnih troškova izborne kampanje, stranka je prekršila odredbe člana 12. stav (3) Zakona o finansiranju političkih stranaka i odredbe člana 15.1 Izbornog zakona Bosne i Hercegovine.

- Da stranka nije uspostavila pravilne evidencije o troškovima izborne kampanje, potvrđuje činjenica da je u postizbornom finasijskom izvještaju prikazala troškove u iznosu od 40.852,73 KM a u godišnjem finasijskom izvještaju u iznosu od 24.154,67 KM.
- Stranka dio troškova koji se odnose na izbornu kampanju nije platila putem transakcijskog računa koji je otvorila za finansiranje izborne kampanje.

Pregledom je utvrđeno da je račun broj: 666 od dobavljača Li-Media d.o.o. Livno u iznosu od 1.556,10 KM, koji se odnosi na troškove štampanja plakata i plakatiranja, plaćen sa redovnog računa stranke broj: 3382302273663176 kod UniCredit banke d.d.

S obzirom da se radi o troškovima izborne kampanje, plaćanje je trebalo izvršiti sa posebnog računa za finansiranje troškova izborne kampanje broj: 3382302273729330 kod UniCredit banke d.d., te koji je stranka navela u prijavi za učešće na Općim izborima.

- Uvidom u poslovne knjige stranke, utvrđeno je da je stranka u svojim poslovnim knjigama na kontu 4018-*Usluge zakupa*, evidentirala i troškove koji se odnose na proviziju banke u iznosu od 377,40 KM. Stranka je pomenute troškove trebala iskazati na kontu 4081-*Bankarska provizija*.

- (5) Hrvatski nacionalni pomak je dostavio ugovor o zakupu poslovnog prostora na neodređeno vrijeme, zaključen dana 16.03.2021. godine sa fizičkim licima A. Š., I. Š. i L. Š. iz Tomislavgrada. Stranka je u 2022. godini koristila poslovni prostor uz mjesečni zakup od 1.600,00 KM i po tom osnovu ostvarila troškove zakupa poslovnog prostora u iznosu od 19.200,00 KM. Stranka je u poslovnim knjigama evidentirala troškove zakupa u Tomislavgradu u iznosu od 24.000,00 KM, što uključuje troškove zakupa za oktobar, novembar i decembar 2021. godine.

Suprotno računovodstvenim propisima, stranka je evidentirala troškove zakupa poslovnog prostora u momentu plaćanja, a ne u momentu nastanka troškova.

- (6) Hrvatski nacionalni pomak nije u obrascu 5 (obaveze političke stranke) godišnjeg finasijskog izvještaja iskazao obaveze na dan 31.12.2022. godine, čime je prekršio odredbe člana 24. Pravilnika.

Prema podacima iz poslovnih knjiga, obaveze političke stranke na dan 31.12.2022. godine iznosile su 430,32 KM.

- (7) Pregledom finasijskog izvještaja i finasijske dokumentacije političke stranke, utvrđeni su nedostaci kod dijela knjigovodstvenih isprava o nastalim poslovnim događajima. U skladu sa računovodstvenim propisima, sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja, potpise osoba kojima se potvrđuje da je materijal isporučen, odnosno usluga izvršena i sl.

Uvidom u račun pravnog lica CN-KK d.o.o. Tomislavgrad, račun broj: 2202-00002 od 04.10.2022. godine, na iznos od 400,00 KM, kojim je političkoj stranci fakturisano fotografiranje i obrada portreta, utvrđeno je da isti nije potpisan od strane primaoca robe, te ne sadrži potpis i pečat dobavljača.

- (8) Hrvatski nacionalni pomak je u skladu sa odredbom člana 12. stav (2) Zakona o finansiranju političkih stranaka imao obavezu da u godišnji finasijski izvještaj uključi koristi ostvarene od aktivnosti udruženja „Hrvatski narodni sabor Bosne i Hercegovine“, koje je povezano sa političkom strankom, jer je stranka u toku 2022. godine bila članica ovog udruženja.



## **Troškovi izborne kampanje**

Prema odredbama člana 15.10 Izbornog zakona Bosne i Hercegovine, politička stranka za potrebe izborne kampanje ne smije potrošiti više od 0,30 odnosno 0,20 KM po biraču u svakom izbornom krugu, prema broju birača koje je objavila Centralna izborna komisija Bosne i Hercegovine.

Prema podacima Centralne izborne komisije Bosne i Hercegovine Hrvatski nacionalni pomak je u svrhu izborne kampanje za Opće izbore 2022. godine mogao potrošiti sredstva u iznosu od 552.875,21 KM. Politička stranka je u postizbornom finansijskom izvještaju za Opće izbore 2022. godine prijavila troškove izborne kampanje u iznosu 40.852,73 KM.

## **5.2 PREPORUKE**

*Preporučuje se političkoj stranci Hrvatski nacionalni pomak da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da program utroška sredstava sačinjava na način kojim bi se obezbijedila potpuna transparentnost planiranog trošenja sredstava, kao i njegova uporedba sa ostvarenim troškovima, te da finansijska sredstva obezbijeđena za finansiranje stranke koristi u skladu sa programom utroška sredstava,*
- *da se ne finansira iz izvora koji su političkim strankama zabranjeni,*
- *da poslovne knjige vodi u skladu sa računovodstvenim propisima i da obrati pažnju na ispravnost i vjerodostojnost knjigovodstvenih isprava,*
- *da vodi potpune i tačne evidencije o prihodima, rashodima i obavezama stranke,*
- *da utvrdi stvarno stanje svojih obaveza i isto evidentira u poslovnim knjigama i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

## **KOMENTAR:**

Politička stranka se nije očitovala na nalaze revizije navedene u Preliminarnom izvještaju o pregledu godišnjeg finansijskog izvještaja za 2022. godinu

Šef Odsjeka za predrevizijske i administrativne poslove

Šef Službe za reviziju

Rijad Selmanović

Mr.sc Hasida Gušić

Pomoćnik revizora

Dragomir Elez